

# XVI—XVIII ԴԴ. ԱԶԱՏԱԳԻՐԱԿԱՆ ՇԱՐԺՈՒՄՆԵՐԻ ԵՎ ՀԱՅԿԱԿԱՆ ԳԱՂԹԱՎԱՅՐԵՐԻ ՊԱՏՄՈՒԹՅԱՆԸ ՆՎԻՐՎԱԾ ՆՍԱՇՐՋԱՆ

Օտար նվաճողների թալանչիական արշավանք-ները և ծանր տիրապետության հետևանքով, ինչպես հայտնի է, հայ ժողովրդի ստվար զանգվածներ դեռ վաղ միջնադարից հարկադրված են եղել թողնել հայրենիքը և ապաստան գտնել օտար ափերում: Այս եղանակով աշխարհի տարբեր երկրներում առաջ են եկել հայկական գաղութներ, որոնցից շատերը գոյատևել են դարեր շարունակ և ունեցել հասարակական-քաղաքական և մշակութային աշխույժ կյանք: Հայկական գաղթավայրերը մշտապես կապ են պահպանել մայր երկրի հետ: Պատմական որոշակի դարաշրջանում, հատկապես ուշ միջնադարում Հայաստանում ստեղծված մտայն ժամանակաշրջանում, երբ Թուրքիայի և Պարսկաստանի դաժան տիրապետության հետևանքով բուն երկրում վերացված էր խաղաղ ստեղծագործական աշխատանքի ամեն մի հնարավորություն, հայկական մշակույթն ու հասարակական կյանքը գերազանցապես զարգանում են գաղթօջախներում: Հետևաբար, գաղթավայրերի պատմությունը դա միաժամանակ նաև հայ ժողովրդի հասարակական-քաղաքական և մշակութային կյանքի պատմությունն է:

Հայ ժողովրդի պատմության անբաժանելի մասը կազմող հայկական գաղթավայրերի ուսումնասիրությունը գիտական պատշաճ մակարդակի վրա դնելու նպատակով Հայկական ՍՍՀ ԳԱ պատմության ինստիտուտում 1959 թ. ստեղծվել է հայ գաղթավայրերի պատմության բաժին, որը բավական ծավալուն աշխատանք է կատարել գաղթօջախների պատմությունն ուսումնասիրելու ուղղությամբ: Հետաքրքրական աշխատություններ են հրատարակվել ռուսահայ գաղթօջախների (Ղրիմ, Նոր Նախիջևան, Գրիգորիոպոլ, Աստրախան, Հյուսիսային Կովկաս), ինչպես նաև Ուկրաինայի, Լեհաստանի, Սփյուռքի, Նոր Զուլայի, Հնդկաստանի հայ գաղթօջախների պատմության վերաբերյալ: Շոշափելի աշխատանք է կատարվել Բուլղարիայի, Ռումինիայի, Տրանսիլվանիայի հայկական գաղութների ուսումնասիրման գործում: Հետազոտվում են Ֆրանսիայի, Իրանի, Սիրիայի և այլ երկրների գաղթավայրերը: Բաժինը կազմակեր-

պում է նաև հայկական գաղթավայրերի պատմության առանձին պրոբլեմներին նվիրված գիտական նստաշրջաններ:

Վերջերս տեղի ունեցավ «XVI—XVIII դդ. ազատագրական շարժումները և հայկական գաղթավայրերը» հարցին նվիրված գիտական նստաշրջան, որը ներածական խոսքով բացեց ինստիտուտի դիրեկտոր Հ. Ա. Ավետիսյանը:

«Հայրենի երկրի և հայկական գաղթավայրերի կապերի հարցի շուրջը» զեկուցումով հանդես եկավ Վ. Բ. Բաբխուդյանը: Նա հանգամանորեն անդրադարձավ այն իրողությանը, որ միայն մայր հայրենիքի հետ սերտ կապերի միջոցով է օտար միջավայրում պահպանվել հայ գաղթօջախների գոյությունը: Նա մասնավորապես ընդգծեց ուշ միջնադարի հայ գաղթավայրերի նշանակալից դերը հայ ազատագրական շարժումներում, ինչպես նաև արևելաեվրոպական երկրների, Ռուսաստանի ու Հնդկաստանի հայազգի գործիչների բերած մասնակցությունն ալղ գործին: Իր բովանդակալից, հետաքրքրական զեկուցման մեջ Վ. Կ. Ունեճյանը նշեց, որ հայկական ազատագրական պայքարի ռուսական կողմնորոշումը ձևավորվեց և զարգացավ տրևտեսական ու քաղաքական փոխադարձ շահագրգռությունների օբյեկտիվ և ամուր հիմքի վրա: Վ. Ա. Միխայիլյանը անդրադարձավ սղվետահայ պատմագրության մեջ անտեսված հարցի՝ հայկական արտագաղթների խնդրին և, կանգ առնելով մասնավորապես VII—XVIII դդ. արտագաղթների վրա, մատնանշեց դրանց հիմնական ուղիները և սոցիալ-քաղաքական ու տնտեսական պատճառները: Վ. Ա. Բալաբադյանը բովանդակալից զեկուցումը նվիրված էր Հայաստանի ազատագրության գործում ջողայահայ խոշաների նշանակալից դերին: Նա փաստերով հիմնավորեց այդ դրույթը, ինչպես նաև քննադատեց հայ ազատագրական շարժումներում ջողայահայ առևտրականների դերը: Թերագնահատող, հայ պատմագրության մեջ երբեմն արտահայտվող կարծիքը Ս. Է. Քոլանճյանը և Գ. Պ. Պիեգիդյանը իրենց ուշադրալզեկուցումներում անդրադարձան Մոլդովայի,

Հունգարիայի, Տրանսիլվանիայի տարածքում գործող հայազգի այն նշանավոր դեմքերին (Պետրու Վադիկ, Յոն Քաշ, Պետրու Գրիգորովիչ, Պետրու Ապետիկ, Գարրիել Շաբինգարահիսարցի և ուրիշներ), որոնք ակտիվ մասնակցություն են ունեցել Արևելյան Եվրոպայի երկրներում հակաթուրքական դաշինքի ստեղծման գործին՝ Թուրքիայի պարտության և թուլացման մեջ տեսնելով նաև հայրենի երկրի ազատագրության երաշխիքը։ Վ. Ա. Խաչատրյանի և Լ. Ա. Պաղոսյանի հետաքրքիր ղեկուցումները նվիրված էին Աստրախանի և Հյուսիսային Կովկասի մի շարք հայկական գաղթավայրերի XVII—XVIII դդ. հայ ազատագրական շարժումներին ցուցաբերած ակտիվ վերաբերմունքին ու մասնակցությանը։ Վ. Մ. Մարտիրոսյանը հետաքրքիր գեկուցում կարդաց հայ և վրաց ժողովուրդների համագործակցության և Ռուսաստանի օգնությամբ Հայաստանն օտար նվաճողներից ազատագրելու հարցի վերաբերյալ։ Նա ուշագրավ փաստերով լուսաբանեց հատկապես 1873 թ. Գեորգիայան դաշնագրի գերը երկրամասը Ռուսաստանի օգնությամբ ազատագրելու գործում։ Ա. Ա. Ուրալյանցն հանգամանորեն անդրադարձավ հայ գաղթավայրերի մասին XVIII դ. անվանի պատմագիր Միքայել Զամչյանի հայացքներին։ Նա ընդգծեց, թե նշանավոր պատմաբանը ժամանակին որքան բարձր է գնահատել գաղթավայրերի դերը հայ ժողովրդի համընդհանուր պատմության մեջ։

Ջեկուցումների շուրջ՝ ելույթ ունեցան ակադեմիկոս Ս. Տ. Երեմյանը, պրոֆ. Վ. Ա. Պաքստյանը, ինստիտուտի գիտաշխատակիցներ

Ժ. Հ. Անանյանը, Մ. Ղ. Դարբինյանը և ուրիշներ։ Բանավեճեր հարուցեցին և մտքերի աշխույժ փոխանակություն առաջացրին հատկապես «գաղութ», «գաղթօջախ», «գաղթավայր» հասկացությունների, հայկական արտագաղթների կոնկրետ դրդապատճառների, XVIII դ. վերջին տասնամյակներում Ռուսաստանի գերիշխանության տակ հայկական պետականությունը վերականգնելու իրական հնարավորությունների հարցերը։

Գիտական նստաշրջանն ակնհայտորեն բացահայտեց, որ XVI—XVIII դդ. սուլթանական Թուրքիայի և խանական Պարսկաստանի ծանր լուծը թոթափելու հայ ժողովրդի ազատագրական շարժումները լայն արձագանք էին գտնում գաղութահայության շրջանում։ Հայկական գաղութներն իրենց համեստ հնարավորությունների սահմաններում շնացել և ամեն ինչ արել են մայր հայրենիքի ազատագրությանը նպաստելու համար։ Բավական է նշել, որ Հայաստանը ազատագրելու և Ռուսաստանի օգնությամբ հայկական պետականությունը վերականգնելու բոլոր նախագծերը մշակվել են բուն Հայաստանից դուրս, հայկական տարրեր գաղթավայրերում։ Նստաշրջանում իրավամբ ընդգծվեց այն իրողությունը, որ գաղթաշխարհի հայ գանգավածները մշտապես կապերի մեջ են եղել մայր հայրենիքի հետ և ոչ միայն շնն խորթացել նրանից, այլև աշխատել են նպաստել նրա ազատագրմանը, ապրել են հայրենի երկրի բախտով, նրա պատմական ճակատագրով։

ԷԼԻՋԱՐՆԹ ԹԱՋԻՐՅԱՆ